

不得、不陣、望請除彼舊號、賜朝野宿禰、光前榮後存亡俱欣、今所請朝野者所處之本名也、依請賜之、

〔日本後紀二十一〕嵯峨弘仁二年九月乙未、右京人正六位上吉田連宮麻呂等、賜姓宿禰、

〔日本後紀二十一〕嵯峨弘仁二年閏十二月戊申、左京人從六位下多治比連年繼、賜姓宿禰、

〔日本後紀二十一〕嵯峨弘仁三年六月戊戌、左京人從五位下出雲連廣真、賜姓宿禰、

〔續日本後紀一〕明天長十年二月庚午、右京人上野權少掾從八位上尾張連年長、位子无位尾張連豐

野、留省无位尾張連豐山等、賜姓忠宗宿禰、

〔續日本後紀一〕明天長十年二月癸酉、右京人音博士從五位下六人部連門繼、弟六人部連大宗、六人

部連秋主、妹六人部連鷹刀自六人部連磐子等男女五人、賜姓高貞宿禰、

〔續日本後紀一〕明天長十年二月甲戌、攝津國豐島郡人散位從七位下出雲連男山、河邊郡人正六位

上出雲連雄公、出雲連伊都岐鷹等男女廿二人、賜姓於出雲宿禰、

〔續日本後紀一〕明天長十年三月庚子、左衛門醫師從七位上出雲連永嗣、改連賜宿禰、

〔續日本後紀一〕明天長十年八月甲午、散位從六位上土師連豐道、從六位上同姓道吉等四人、賜姓菅

原宿禰、

〔續日本後紀四〕明承和二年二月戊子、河內國人右少史掃守連豐永、少典鑑同姓豐上等、賜姓善世宿

禰、天忍人命之後也、

〔續日本後紀四〕明承和二年四月庚寅、大和國人正七位上仲九子連乙成、同姓從八位上真當等、賜姓

仲宿禰、

〔續日本後紀四〕明承和二年十月癸巳、河內國人散位正六位上林連馬主、賜姓伴宿禰、

〔續日本後紀四〕明承和二年十一月辛酉、遣唐使知乘船事從八位上香山連濤貞兄弟二人、改連賜宿

禰、其先百濟國人也、